



UKA 2018/229
12. oktober 2018
Bentiaraq Ottosen

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa aalisarnermi ilinniartitaanerit eqqarsaatigalugit nunat akornanni suleqatigiinnissamut periarfissat misissoqqullugit.
(Aallartitanut siulittaasoq Vivian Motzfeldt)

(Siullermeenera)

Siunnersuuteqartumut saqqummiusnaanut qujavugut.

Aalisarnerup saniatigut imaani nunamilu suliffissaqartitsuarnissaa pingaartitaraarput, aningaasaqarneq pitsaasumut alloriartinnissaa angujumallugu. Aalisarnikkut ilinniartitaanerit eqqarsaatigalugit ukiuni kingullerni annertuupilussuarmik ineriartorfiusumik Aalisarnikkut ilinniarfeqarnikuunera iluarisimaarnikuuarpud. Maanakkullu periarfissat taamatut isikkunikkiartornerat annertuumik iluaqutaassasoq isumaqarpugut.

Nunatsinni imminut pilersornerunissatsinnik siunnerfeqarpugut, avammullu tunisassiornitta pitsaangorsartuarnissaanut aalaakkaasumik nunatta nammineq tunisassiai iluanaarutinngoriartornissai isumaqarpugut pingaaruteqartuusoq. INUILI Narsaq nunatsinnut pingaaruteqarlunnartuuvoq, tassannga annertuumik nunat avannarliit killiit suleqatigalugit avitseqatigiittuarnissaq pingaaruteqarmat.

Nunarput nunatut sanilerisatsinni suleqatigiilluarnissaq pisariaqartippaa, tassungami tunngatillugu annertuumik assingunerput takuneqarsinnaammat. Nunatta avammut sutigut tamatigut suleqataanissaa nunarsuarmioqataanitsinnut iluaqutaalluinnassaaq taamaattumik una siunnersuut taperserlugu isumaqarpugut tamanna pingaarnerpaasasoq inuiaqatigiit akornanni sumut ilinniaqqiffinnik ingerlasimagaluaraanniluuniit periarfissaajuassasoq.

Kikkulluuniit kiffaangissuseqarput ulluinnarsiutigalugu pinialuttartut (aalisartut aamma piniartut), kikkulluuniit kiffaangissuseqarput sunngiffimmi pinialuttartut ingerlatserusuttut.

Naalakkersuisut saqqummiussai isumaqarpugut kaammattuutaasut siunnersuuteqartumut, taamaattumik Naalakkersuisut kaammattorpugut isumaqaratta tamanna pingaaruteqaqisoq inuiaqatigiit suna kiffaangissuseqarfigissallugu toqqassaneraat, meeqqat atuarfiani imaluuniit ilinniarnertuungorniarfimmi naammassereersimagaluarpat toqqagassaq ataasiinaasooq ingerlariaqqiffissatut.

Taamatut oqaaseqarluta, una siunnersuut Ilinniartitaanermut ataatsimiisitaliamut ingerlateqqipparput.